

¡BOMBA!

Pregunta con inocencia:
Si hoy las caras nos vemos,
¿será que pronto tendremos
normalidad sin violencia?



K'untzil

Miércoles 25 de febrero de 2026

CAMPECHE · YUCATÁN · QUINTANA ROO · AÑO 11 · NÚMERO 2671 · www.lajornadamaya.mx



Oochel Facebook ULIM

U jala'achil u noj lu'umil Méxicoe' yaan u je'ik 400 u p'éel Casas Comunitarias de Lengua Indígena

Tu kúuchil Universidad de las Lenguas Indígenas de México, k'a'ayta'ab tumen máax jo'olbesik Instituto Nacional de los Pueblos Indígenas (INPI), Adelfo Regino Montes,

yaan u je'ebel u joolnajil Casas Comunitarias de Lengua Indígena (CALI) tumen u jala'achil México ichil tuláakal le noj lu'umilo'. Le je'ela' u ti'al u ka' kuxkíinsa'al t'aan, u mu'uk'ankúunsa'al yéetel táakumuk'ta'al máasewal t'aano'ob, ikil u kaxta'al u ka'ansa'al, u noj ba'alkúunsa'al yéetel u chíimpol'ta'al ich jaaj, ti'al beyo' u jáawal u ch'éenel u t'a'analob.

Béey túuno', máax jo'olbesik INPIe' yaan u líik'sik 400 u p'éel Casas Comunitarias de Lengua Indígena, tu'ux yaan u k'a'abéetkunsik 114 miyoonesil pesos.

Le je'ela', tu ya'alaj, beey a'alab unaj u beeta'al tumen u jala'achil México, Claudia Sheinbaum Pardo, ti'al ka chíimpol'ta'ak yéetel béeykuns'a'ak ba'ax ku ya'alik Artículo 2º, tu'ux ku je'etsel "u péektsilta'al, u táakmuk'ta'al, u kaláanta'al, u xak'alta'al yéetel u k'i'itbesa'al máasewal t'aano'ob, tumen jump'éel ba'ax chíikbesik miaatsil te'el noj lu'uma'..."

Beyo', tu ya'alaj, yaan u beeta'al noj meyaj ti'al u mu'uk'ankúunsa'al u

máasewal t'aanilo'ob México, "tumen u k'iinil u chíimpol'ta'al k-kaajo'ob yéetel u máakilo'ob beey máaxo'ob ti'alintik páajtalilo'ob, ts'o'oke' ku chíimpoltik xan u páajtalil u beeta'al ba'al je'el u bix u k'aat kaaj, ti'al u ka' kuxtal u t'aano'ob yéetel u miaatsilo'ob", tu tsikbaltaj.

Beyxan, Regino Montese' tu ya'alaj u kúuchilo'ob CALIe' yaan u káajal u je'ebelo'ob tu'ux yaan Planes de Justicia yéetel Programa General Lázaro Cárdenas del Río, ich 23 u p'éel t'aano'ob yéetel u jejeláasilo'ob sajbe'entsil yanik u ch'éejelo'ob, ku t'a'anal ti' 23 u p'éel máasewal kaajo'ob tu noj lu'umil México.